



ბაღდათის მუნიციპალიტეტის საკრებულო
გ ა ნ კ ა რ გ უ ლ ე ბ ა №



განკარგულება:გ-67.67212116

თარიღი:30/07/2021

გ ა ნ კ ა რ გ უ ლ ე ბ ა №42 48

ბაღდათის მუნიციპალიტეტის ტერიტორიაზე 2021 წლის მუნიციპალიტეტის წარმომადგენლობითი ორგანოს-საკრებულოს და თვითმმართველი თემის(ბაღდათის მუნიციპალიტეტის) მერის არჩევნების წინა საარჩევნო აგიტაციის ჩასატარებლად შენობა-ნაგებობებისა და სააგიტაციო მასალების გამოფენისათვის ადგილების გამოყოფის შესახებ

„საქართველოს საარჩევნო კოდექსი“ საქართველოს ორგანული კანონის 45-ე მუხლის მე-9 ნაწილის, ამავე კანონის 46-ე მუხლის მე-4 ნაწილის, 133-ე მუხლის 1-ლი ნაწილის, „ადგილობრივი თვითმმართველობის კოდექსი“ საქართველოს ორგანული კანონის 24-ე მუხლის მე-2 და მე-3 ნაწილების, 61-ე მუხლის პირველი და მეორე ნაწილების შესაბამისად,

ბაღდათის მუნიციპალიტეტის საკრებულომ გადაწყვიტა:

1. საარჩევნო კამპანიის პერიოდში პოლიტიკურმა სუბიექტებმა, რომლებიც მონაწილეობას ღებულობენ 2021 წლის ოქტომბრის წარმომადგენლობითი ორგანოს-საკრებულოს და თვითმმართველი თემის (ბაღდათის მუნიციპალიტეტის) მერის არჩევნებში, ამომრჩევლებთან შეხვედრებისა და შეკრებების ჩასატარებლად თანაბარი პირობებით შეუძლიათ ისარგებლონ მუნიციპალიტეტის ტერიტორიაზე მუნიციპალიტეტის საკუთრებაში არსებული შემდეგი შენობა-ნაგებობებით:

ა) არასამეწარმეო(არაკომერციული) იურდიული პირი-„ბაღდათის ხელოვნებისა და კულტურის განვითარების ცენტრი“-ს სარგებლობაში არსებული:

ა.ა) რ. ლალიძის სახელობის კულტურის სახლის შენობით (ქ. ბაღდათი კახიანის ქ. N 1);

ა.ბ) ახალგაზრდული ცენტრის შენობით (ქ. ბაღდათი რუსთაველის ქ. N 31)

ა.გ) სამუსიკო-სახელოვნებო ცენტრის შენობებით (ქ. ბაღდათი რუსთაველის ქ. N 36; და სოფ. წითელხევი, სახელოვნებო სკოლის შენობა);

ა.დ) ბიბლოთეკის შენობა;

ბ) არასამეწარმეო(არაკომერციული) იურდიული პირი-„ბაღდათის სპორტისა და მოზარდთა აქტივობის ცენტრი“-ს დარბაზი (მისამართი: ქ. ბაღდათი ნინოშვილის ქ. N 6);

გ) სოფ. დიშის ყოფილი კულტურის სახლის შენობა (მისამართი: სოფ. დიშის ადმინისტრაციული ერთეული);

დ) სოფ. წითელხევის ყოფილი კულტურის სახლის შენობა (მისამართი: სოფ. წითელხევის ადმინისტრაციული ერთეული);

ე) სოფ. ვარციხის ყოფილი კულტურის სახლის შენობა (მისამართი: სოფ. ვარციხის ადმინისტრაციული ერთეული);

ვ) სოფ. პირველი ობჩის ადმინისტრაციული ერთეულის ადმინისტრაციული შენობა (მისამართი: სოფ. პირველი ობჩის ადმინისტრაციული ერთეული);

ზ) სოფ. საკრაულას ადმინისტრაციული ერთეულის შენობის პირველი სართული (მისამართი: სოფ. საკრაულას ადმინისტრაციული ერთეული)

თ) სოფ. ზეგნის ადმინისტრაციული ერთეულის ადმინისტრაციული შენობა (მისამართი: სოფ. ზეგნის

ადმინისტრაციული ერთეული)

ი) სოფ. როკითის ადმინისტრაციული ერთეულის ადმინისტრაციული შენობის პირველი სართული (მისამართი: სოფ. როკითის ადმინისტრაციული ერთეული);

კ) სოფ. მეორე ობხის ადმინისტრაციული ერთეულის ადმინისტრაციული შენობა (მისამართი: სოფ. მეორე ობხის ადმინისტრაციული ერთეული)

ლ) სოფ. ფერსათის ადმინისტრაციული ერთეულის ყოფილი კულტურის სახლის შენობა (მისამართი: სოფ. ფერსათის ადმინისტრაციული ერთეული).

2. ბაღდათის მუნიციპალიტეტის ტერიტორიულ საზღვრებში (ადმინისტრაციული ერთეულების ტერიტორიაზე) წინასაარჩევნო კამპანიასთან (აგიტაციასთან) დაკავშირებული საარჩევნო მასალების გასაკრავ-გამოსაფენ ადგილებად გამოიყოს;

ა) მუნიციპალიტეტის მიერ გამოყოფილი სტენდები სააგიტაციო მასალებისათვის (თითოეულ საარჩევნო სუბიექტს უფლება აქვს გააკრავს ერთ ცალი საარჩევნო პლაკატი ზომით არაუმეტეს: სიგრძე 60 სმ, სიგანე 42 სმ (A2) ფორმატი;

ბ) მუნიციპალიტეტის საკუთრებაში არსებულ სამგზავრო ტრანსპორტის მოსაცდელელებში;

გ) მუნიციპალიტეტის საკუთრებაში არსებულ გარე განათების ელექტრო ბოძებზე;

დ) საამშენებლო ტერიტორიების შემოსაზღვრულ დროებით ღობეებზე (მესაკუთრის თანხმობით);

3. მუნიციპალიტეტის ტერიტორიაზე აიკრძალოს სააგიტაციო მასალებისა და პლაკატების გაკვრა შემდეგ შენობა-ნაგებობებზე:

ა) საკულტო ნაგებობებზე;

ბ) კულტურული მემკვიდრეობის ძეგლებზე და შენობა-ნაგებობებზე;

გ) სახელმწიფო ხელისუფლებისა და ადგილობრივი თვითმმართველობის ორგანოების საკუთრებაში არსებულ ადმინისტრაციულ შენობებზე (საბავშვო ბაგა-ბაღების, სამედიცინო ამბულატორიის შენობა-ნაგებობები);

დ) სასამართლოების, სამხედრო შენაერთების, იუსტიციის სახლების, პოლიციის, სახანძრო-სამაშველო სამსახურის შენობა-ნაგებობების ინტერიერებსა და ექსტერიერებში;

ე) საგზაო ნიშნებზე.

ვ) საავტომობილო გზების გასწვრივ არსებულ მრავალწლიან ნარგავებზე.

4. ამ განკარგულების მეორე მუხლით განსაზღვრული ადგილების(ობიექტების) გარდა, სააგიტაციო მასალა შეიძლება აგრეთვე გამოიფინოს სხვა შენობა-ნაგებობებსა და ობიექტებზე (გარდა მე-3 მუხლით გათვალისწინებული შემთხვევებისა) მათი მესაკუთრეების ან მფლობელების თანხმობის შემთხვევაში.

5. შესაბამისი საარჩევნო სუბიექტი ვალდებულია, არჩევნების საბოლოო შედეგების ოფიციალურად გამოქვეყნებიდან 15 დღის ვადაში უზრუნველყოს სააგიტაციო მასალის ჩამოსხნა.

6. ამ განკარგულების დარღვევის შემთხვევაში პირს დაეკისრება პასუხისმგებლობა საქართველოს კანონმდებლობით დადგენილი წესით.

7. დაევალოს ბაღდათის მუნიციპალიტეტის საკრებულოს აპარატს, განკარგულების ქსეროასლი გადაუგზავნოს N 52 ბაღდათის საოლქო საარჩევნო კომისიას და უზრუნველყოს განკარგულების განთავსება მუნიციპალიტეტის ვებგვერდზე და გამოქვეყნება ადგილობრივ ბეჭვდით ორგანოში.

8. ძალადაკარგულად გამოცხადდეს „ბაღდათის მუნიციპალიტეტის ტერიტორიაზე 2020 წლის ოქტომბრის საპარლამენტო არჩევნების წინა საარჩევნო აგიტაციის ჩასატარებლად შენობა-ნაგებობებისა და სააგიტაციო მასალების გამოფენისათვის ადგილების გამოყოფის შესახებ, ბაღდათის მუნიციპალიტეტის საკრებულოს 2020 წლის 27 აგვისტოს N 42 44 განკარგულება.

9. განკარგულება ძალაშია, 2021 წლის „**მუნიციპალიტეტის წარმომადგენლობითი ორგანოს-საკრებულოს და თვითმმართველი ქალაქის/თვითმმართველი თემის მერის**“ არჩევნების დასიშვინის დღიდან.

10. განკარგულება შეიძლება გასაჩივრდეს ძალაში შესვლიდან 3 დღის ვადაში, ქუთაისის საქალაქო სასამართლოში, მისამართზე: ქ. ქუთაისი, ვუპრაძის ქ. N 11.

შალვა მშვილდაძე

ბაღდათის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

